



## Møteinnkalling

**Utval:** **SOGN REGIONRÅD**

**Møtestad:** Blix Hotel, Vik

**Møtedato:** 15.06.2018

**Tid:** 09:15 - 14:30

Eventuelt forfall skal meldast til telefon 57 62 96 14 - Varamedlemmar møter etter nærmere avtale.

## Dagsorden

0915-1045	Ordførar Olav Turvoll ønskjer velkommen til Vik Oppmøte Godkjenning av innkalling og sakliste Godkjenning av protokoll frå møtet 3.5.2018 Handsaming av saker i Sogn regionråd
1045-1100	Pause
1100-1200	Bustadutvikling i Sogn – orientering ved prosjektleiar Arne Kringlen, Norconsult og bustadnettverket
1200-1245	Lunsj
1245-1330	Vikafjellstunnelen – status og tidsplan Kjell Kvåle og Nils Magne Slinde, Statens vegvesen
1335-1420	Oppfølging etter studietur 2017 til Sør-Tirol - bedriftsnettverk er godt i gang, kva med kommunane? Ivar Petter Grøtte, Vestlandsforsking og Jan Øhlckers, bedriftsnettverksprosjektet

## **Sakliste**

Saksnr. Arkivsaksnr.

**Tittel**

**9/18** 16/167-15

**System for styrka læring - evaluering**

**10/18** 18/472-5

**Orienteringssaker Sogn regionråd**

Sogndal, 5. juni 2018

Jan Geir Solheim  
leiar

Karina Nerland  
dagleg leiar

---

Saksh.: Karina Nerland  
Arkivsak: 16/167

Arkiv: A00 &34

---

**Saksnr.: Utval**  
9/18 Sogn regionråd

**Møtedato**  
15.06.2018

**Sak** **9/18**

### **System for styrka læring - evaluering**

#### **Tilråding:**

Sogn regionråd tek rapporten «Å bygge bedre bruer mellom øyene vi sitter på...» frå evalueringa av System for styrka læring til vitande.

#### **Vedlegg:**

Rapporten «Å bygge bedre bruer mellom øyene vi sitter på...», NTNU Institutt for lærerutdanning, 4. april 2018

#### **Saksutgreiing:**

Det er på oppdrag frå Sogn regionråd gjennomført ei evaluering av det regionale barnehage- og skuleutviklingsprogrammet System for styrka læring.

#### **Bakgrunn:**

Kommunane etablerte det regionale programmet for barnehage- og skuleutvikling frå 2013. Overordna programplan for 2013-2021 er politisk vedteke i medlemskommunane og innheld mål, strategiar og organisering av programmet. Det blir laga årlege handlingsplanar som regionrådet vedtek. Det er tilsett programleiar i 100% stilling som leier, koordinerer og følgjer opp utviklingsprogrammet.

Programmet har eit ambisiøst mål for barnehage- og skuleutvikling i regionen: Auka læringsutbytte for alle gjennom styrka tilpassa opplæring og redusert bruk av spesialundervisning. Det er seks strategiområde: Lærande organisasjonar, vurdering for læring, motivasjon og meistring, psykisk helse, entreprenørskap og tidleg innsats. Innan fleire av strategiområda er det lagt opp til jamnlege evalueringar og tilbakemeldingar for forbetring, og slike kontinuerlege evalueringar er viktig for å utvikla og styrka tiltaka og prosjekta undervegs. Ved etablering av det niårige programmet vart det skissert at ekstern statusvurdering og evaluering bør gjennomførast undervegs i programmet. Føremålet er å analysera og vurdera om programmet har effekt og få forslag til korleis vidareutvikla programmet.

Evalueringa vart etter anbodsrunde tildelt NTNU Institutt for lærerutdanning ved Trond Buland og Mette Meidell. Rapporten låg føre 4. april. Trond Buland orienterte kommunane og samarbeidspartar om hovudfunna og tilrådingar 4. juni. Programstyret drøfta rapporten i møtet same dag. Programstyret rapporterer til rådet og styret si rolle er mellom anna å vera pådrivar for å nå dei overordna måla for utviklingsprogrammet og ta initiativ til og byggje opp under faglege utviklingsprosessar.

**Vurdering:**

Regionalt utviklingsarbeid er krevjande og har samansette utfordringar. Regionrådet initierer tiltaket, programstyret og kommunane arbeider med å implementere programmet og kommunane, barnehagane og skulane har ansvaret og arbeidet med å gjøre programmet og tiltaka til sitt eige. I tillegg til jamnlege evalueringar av eigne aktivitetar undervegs i arbeidet, vil ei ekstern evaluering få fram sider ved programmet som er skjult for dei som er midt oppi det. Fokus for evalueringa er at ho skal peika framover og gje læring.

Rapporten viser at barnehagar og skular i Sogn er på veg mot å realisera ambisjonen om å bli lærande organisasjoner, og dermed bidra til auka kvalitet på arbeidet innanfor heile oppvekstsektoren. Evalueringa viser at nettverk på ulike plan er det mest synlege i programmet i dag. I vidare arbeid blir det viktig å sjå på innhaldet i fagnettverk og fagdagar for skule. Rapporten beskriver det som å «skyte mot bevegelige mål». Det er behov for ein kontinuerleg, samskapt justering av innhaldet der deltakarane får spele ei aktiv rolle i utforminga. Rapporten viser til at det mellomromma som er viktige, bruene som etablerast mellom dei ulike aktørane. Det vert trekt fram at bruene mellom politikk, administrasjon og skular/barnehagar må styrkast og vedlikehaldast, og aktivt skuleeigarskap er nøkkelen til gode resultat.

Barnehagen vert trekt fram som den sterkeste suksesshistoria i System for styrka læring. Også rektor- og styrarnettverka vert trekt fram som vellykka som møteplasser for erfaringsutveksling.

Midtvegsevalueringa seier at System for styrka læring er på rett veg til å nå måla i programmet. For å lukkast også framover vil det krevja bevisst arbeid. Det krevst ikkje radikale nye grep, ingen store kursendringar, men det er behov for justeringar av kurSEN.

Evalueringa kjem med følgjande tilrådingar for vidare programarbeid:

- Nettverka krever kontinuerleg vedlikehald
- Styrka det breiare samfunnsperspektivet
- Revitalisera entreprenørskapstanken
- Enno tydelegare skuleeigarrolle i programmet
- Knytte det 13-årige opplæringsløpet sterkare på programmet
- Medviten på sorteringa mellom ulike prosjekt innanfor og utanfor programmet

Hovudfunna og tilrådingar i rapporten bør drøftast i aktuelle fora i regionen som barnehage- og skuleregionen, styrar- og rektornettverka mv. Rådmannsgruppa gav innspel i sist møte. Programstyret bør vurdera tilrådingane i rapporten og aktuelle tiltak i det vidare utviklingsarbeidet.

---

Saksh.: Karina Nerland  
Arkivsak: 18/472

Arkiv: 062

**Saksnr.: Utval**  
10/18 Sogn regionråd

**Møtedato**  
15.06.2018

**Sak 10/18**

**Orienteringssaker Sogn regionråd**

**Orienteringar og drøftingar**

1. Leiar
2. Innspel frå medlemmane
3. Arbeidsgruppene
4. Programstyret System for styrka læring
  - Rapport frå entreprenørskapsmessa 3.5.2018 (vedlagt)
5. Rådmannsgruppa
6. Administrasjonen
7. Bustadutvikling i Sogn ved prosjektleiar Arne Kringlen, Norconsult
8. Vikafjellstunnelen - status og tidsplan ved Kjell Kvåle og Nils Magne Slinde, Statens vegvesen
9. Oppfølging etter studietur 2017 til Sør-Tirol - bedriftsnettverk er godt i gang, kva med kommunane? Ivar Petter Grøtte, Vestlandsforskning og Jan Øhlckers, bedriftsnettverksprosjektet

**Skriv og meldingar**

1. Prehospitalte tenester fråsegn til Helse Førde, 30.5.2018
2. Rutetilbod 2019 frå Sogn og Fjordane fylkeskommune, 3.5.2018



## Rapport entreprenørskapsmesse i Balestrand 2018

Til: Programstyret, orienteringssak til møtet 04.06.2018

Frå: Hanne Ørnehaug, programleiar System for styrka læring

Dato: 29. mai. 2018

Sak: Evalueringsrapport for entreprenørskapsmessa i Balestrand 03. mai 2018

### Bakgrunn

Sogn regionråd og stiftinga Ungt Entreprenørskap arrangerer kvar vår ei omfattande entreprenørskapsmesse for ungdomsskulane i regionen. Sogn regionråd er fagleg og økonomisk ansvarleg for messa. Første messe var i Balestrand i 2009, og i fjar var runda ein alle dei ni kommunane i Sogn regionråd. Balestrand vart verstkomune igjen denne våren og ein feira samstundes 10-års jubileum.

### Hovudkonklusjon

Av dei 16 deltagande ungdomsskulane har berre 8 levert inn skriftleg evalueringsrapport. Uheldig at ikkje alle tek seg tida til å respondere på dette, tross venlege påminningar da dette har stor betydning for evt. forbeteringar.

Tilbakemeldingar på årets messe er stort sett gode, med konstruktive tilbakemeldingar på det ein fann forbetringspotensiale på. I sum kan ein konkludere med ei vellukka gjennomføring.

Faktorar som peikar seg ut etter gjennomført messe:

**1.** Lokalt eigarskap til messa. Balestrand kommune med sine representantar i arbeidsgruppa, bidrog godt i forkant av og under sjølve messa. I arbeidsgruppa satt: Hanne Ørnehaug (Programleiar Sogn regionråd), Holger Aasen (UEiSF), Oppvekstsjef Kari Helen Rønnestad, Ordførar Harald Offerdal, Joakim Systaddal (Nærings- og samfunnsutviklar), Hallbjørg Eidhamar (rektor Sagatun), Knut Heng (Rektor Sygna) og Guro Nordang (inspektør Sagatun) Det vart gjort ei solid forankring i arbeidsgruppa med rektor Hallbjørg Eidhamar i spissen, dette gjorde til at vertskommunen var godt budde på å arrangere messa.

**2.** Fagnettverk i entreprenørskap som skulle vore arrangert i Balestrand i september '17 utgjekk grunna få påmeldte. Tematikk i høve fagdag vart og vert frå no av tatt inn som fast tema i rektornettverka. Første var i november '17, for å sikre forankringa av tema på skuleleiarnivå. Balestrand var her representert ved rektor Hallbjørg Eidhamar.

**3.** Ny vri. I staden for bedriftsbesøk laga ein i samarbeid med ungt entreprenørskap ein inovasjonscamp med tematikken berekraftig reiseliv. Årsaka til dette var todelt. Ein ønskte ein markering på at ein no stod framfor eit 10-års jubileum, samt at ein vurderte det utfordrande å få losjert 400 elevar på bedriftsbesøk til bedrifter i Balestrand ut i frå tid og logistikk.

Dei fleste skulane har meldt tilbake at dette var interessant, men arbeidskrevjande og vanskeleg. Dei ønskjer heller at UE kjem rundt på skulane og har slike happeningar. På den måten tenker skulane at dei får inn nokon som har gjort opplegget fleire gonger og ser styrkane og svakheitene i dei.

Er også meldt inn at det er eit sakin at ein ikkje hadde bedriftsbesøk.

Tross inovasjonscamp med ordlyden berekraftig reiseliv, fekk ein tilbakemelding etter messa om at nokon følte reiselivet vart underkommunisert. Å ha føredrag mot slutt av dag, vart meldt inn som for seint, da elevane var slitne etter ein lang dag. Ein ønskjer å ha føredrag frå lokale gründarar som tidlegare år, midt på dag.



Balestrand hadde ungdom i alle dei viktige posisjonane; konferansierar, musikk og underhaldning. Dei gjorde alle ein kjempejobb!! Flinke og tydelege.

**4.** Sygna vidaregåande skule skal ha stor takk for fleksibilitet med utlån rom samt elevvertar til inovasjonscampen. Rektor Knut Heng har vore ein sentral representant i arbeidsgruppa og har jobba udelt positivt for at messa skulle gjennomførast på ein logistisk og god måte mtp ressursar og rom. I tillegg til elevvertar frå Sygna opptredde russe med eit revynummer under opninga.

**5.** Det var som dei to føregåande åra seks premiekategoriar.

Premie var diplom i ramme med vinnartittel og namnet på elevbedrifa som vann, samt at dei fekk pizzafest til heile klassen. Å sikre premie for heile klassen styrkar det kollektive arbeidet Bakgrunn for diplom var ei flott kunstnarisk biletet laga av elev på Sygna.

**6.** Facebook gjekk dessverre ut også i år, årsaka er mogleg at ein ikkje har vore tydeleg nok på kven som skulle ta dette ansvaret. Programleiar vil vurdere om ho skal vere ansvarleg for ei slik side for framtida. Å ha ei slik side på fb slik Årdal hadde i 2016 var eit godt skritt i riktig retning for å nå ut til alle aktørane med same informasjon/formidling i samband med arrangementet.

**7.** Tilbakemeldingane på entreprenørskapsarrangementet i Balestrand er at dette er udelt positivt for elevane og vel verdt bruk av tid, og at det gir mykje læring, gir rom for kreativitet, nytenking og gir eit boost til elevane som skal ta til med faget til neste år. Lærerikt for elevane å sjå korleis elevar frå andre skular har jobba med entreprenørskap og hente idear og inspirasjon frå dei. I tillegg kjem det fram at det er kjekt for elevane å møte andre frå regionen slik uformelt. Messa vert for nokon meir «ein happening» der det sosiale kjem først, dette seier skulane at dei sjølve må ta tak i. Det er kjekt for elevane å vise kva dei har jobba med, og dei gjer ein ekstra innsats sidan det er sjanse for at dei skal verte plukka ut for å delta på den regionale messa.

**8.** At Sogn regionråd dekkjer skulane sine kostnader til buss er eit naudsint og viktig moment for å kunne arrangere messa og få deltagarar med.

**9.** Det opplevast særskilt positivt at rektorar, oppvekstleiarar og ordførarar deltek på messa. Både elevane og lærarane set ekstra stor pris på å få besøk av oppvekstleiarane og ordførarane i regionen. Det er stas å bli sett, og morosamt å få attendemeldingar og vere i dialog med dei!

**10.** Omdømmebygging av skulane og Sogn. Både før og etter messa var det solid og positiv omtale i media. Sogn Avis hadde ein artikkel i forkant og i etterkant av messa. Ytre Sogn avis hadde god omtale av messa i etterkant.

NRK Sogn og Fjordane prioriterte «Heile Noreg ryddar» denne dagen og var difor ikkje tilstade. I etterkant av messa har Sogn regionråd skrive ein artikkel som ligg på heimesida, der ein bl.a. presenterer vinnarane. Det er viktig, både for elevane, lærarane, skulane og kommunane med positiv merksemd og god omdømmebygging. Ein vinn-vinn sak for media også, når dei skriv om det som opptek elevane og det dei er med på, vil dei få leserar.

#### **Usemjø og forbetningspotensiale:**

**1.** Det er eit vesentleg poeng å komme tidsnok til messa. I år gjekk logistikk i høve ferje til messa etter planen.

**2.** Nokre skular meldte i forkant av messa om at dei måtte reise før messa slutta av ulike grunnar. Kommentar om lang reiseveg, er noko urovekkande. Skulane i regionen er spreidd. Det er avstandar



mellan kommunane i regionen. Å ha fokus på lang dag og lang reiseveg den eine dagen i året, kan på sikt skade omdømmebygginga internt i regionen.

**3.** Informasjon har ofte vore ein gjengangar med minusteikn. I år har ein fått hovud tilbakemeldingar på jamn, tidelge og god informasjon ut til skulane. Dei fleste rapporterer at dei er nøgde både med informasjonstidspunkt og innhald, medan ein skule melder at informasjon kjem for seint ut. I år som i fjor viser det seg at dei som melder dette har interne kommunikasjonsutfordringar da det har stoppa opp på rektor- avdelingsnivå. Vidareformidling frå skuleadministrasjon til kontaktlærarar og faglærarar vart ikkje sendt ut før rett i forkant av messa, det er uheldig! Interne rutinar må sjåast på.

**4.** Plassering av elevbedriftene i hallen. I år som i fjor vart elevbedriftene sett opp i ein stor halvsirkel med skråvendt messevegg slik at alle elevbedriftene fekk stå med front inn i sentrum av hallen. Dette vart udeltn positivt motteke da ingen fekk følelsen av å sitje i bakevja. Likevel er det kome inn forslag om å nytte endå meir av hallen til stand neste år.

**4.** På messa i Høyanger 2017 hadde ein lagt opp til regionsmøte for barnehage- og skuleeigarar på sjølv messedagen, dette var ikkje gunstig og ein rapporterte at dette ikkje burde gjentakast. Tross for at dette vart meldt inn som melding i fjor, og ein refererte til denne tilbakemeldinga i år når ein satt opp møtedatoar, vart det sett opp møte. Uheldig da programleiar og oppvekstleiar i vertskommunen er låst i oppdrag ifm messa.

### Prosess

Etter fleire års røynsle har vi no ein god tradisjon med "dreieboka" for messa, og god klargjering av ansvar og oppgåver mellom Ungt Entreprenørskap, Sogn regionråd og vertskommune. Prosessen til arbeidsgruppa for inneverande års messe har vore slik:

- 31.aug 2017: Drøftingsmøte med oppvekstsjef
- 31.okt 2017: Drodlemøte, kva vil vi, kva tenker vi, kva går vi for
- 13.des.2017: Synfaring i Belehalli
- 02. feb. 2018: Arbeidsmøte med alle representantane. Med bl.a. klargjering og fordeling av oppgåver
- 02.mars 2018: Arbeidsmøte, oppfølging av arbeidsoppgåver og avklaringar
- 23.mars 2018: Arbeidsmøte
- 06. april 2018: Arbeidsmøte
- 27. april 2018: Siste arbeidsmøte
- 02. mai 2018: Førebuing og rigging av messeveggar, lokale
- 03. mai 2018: Gjennomføring av messa

Vi har god grunn til å seie oss nøgde med messa i Balestrand. Balestrand er ein liten kommune som tok utfordringa med å arrangere dette arbeidskrevjande og store arrangementet saman med oss. Messa er eit springbrett for skuleutviklinga i Sogn. Det var gledeleg å sjå at vi i år har fått med fleire skular som representerte elevbedrifter med stand. Det viser at også dei små skulane kjem med og ser moglegheiter for å jobbe entreprenørielt i skulekvardagen.

Neste års entreprenørskapsmesse vert i Aurland 24.april 2019.

**-Hanne Ørnehaug-**



Helse Førde

## Prosjekt prehospitalte tenester fase 1 - høyringssvar

Sogn regionråd er samarbeidsorgan for kommunane Aurland, Balestrand, Høyanger, Leikanger, Luster, Lærdal, Sogndal, Vik og Årdal. Sogn regionråd har følgjande fråsegn til rapporten:

Høyringsutkastet står fram som ein godt og gjennomarbeidd rapport som beskriv dei utfordringane som Helse Førde står overfor. Det har vore ein grundig prosess med god involvering av alle aktuelle aktørar og arbeidet har vore godt kommunisert.

### *Sentrale føringer*

Det vil alltid vere krevjande med sentrale faglege føringer (St.meld nr 43 og NOU 2015:17) som skapar tydelege forventningar om tenestene, men som ikkje vil vere realistiske for vårt grisgrendte fylke når dei ikkje er forskriftsfesta.

### *Bemanning mm.*

Det har vore god kompetanseutvikling i ambulansetenesta. Dei ambulansestasjonane som har låg aktivitet bør få hospitere på dei meir travle stasjonane. Alle ambulansearbeidarar bør ha kasernevakt (tilstadevakt) som medverkar til å betre responstida.

### *Ambulansar*

Det ser ut til at forbruk av bilambulansane stabiliserer seg. Helse Førde har lengste køyrelengder blant samanliknbare områder. Oppdrag pr innbyggjar er likt med andre. Luftambulanseordninga er opplevd som god og godt tilgjengeleg.

Forbruk av ambulansetenester gir ikkje eit tydeleg signal om at vi har eit meirforbruk i vårt fylke. Ambulansane er og blir den viktigaste akuttmedisinske kompetansen i kommunane.

Ein ev endra ambulansestruktur må avstemmast mot utvikling og endringar i kommunen sine akuttmedisinske tilbod, jf spesielt at legevaktstruktur er ei krevjande sak for fleire kommunar.

### *Kommunehelsetenesta*

6 av 26 kommunar har eigen legevakt. Små kommunar har ofte utfordringar med legevikarar og vurdering av akuttmedisinske kompetanse. Store vaktdistrikt har i liten grad evna å levere kompenserande tiltak når vaktlegane ikkje rykker ut. Kommunane må saman med HF utvikle akutthjelpar-ordninga i kommunane. Dette må vere eit prioritert område ved gjennomføring av legevaktspiloten som fylket søker på.

Det må vere større fokus på samtrening mellom ambulansetenesta og kommunalt helsepersonell. Her har man ikkje kome langt nok og Helse Førde bør ta eit særskilt ansvar overfor kommunane, legevaktene og ev nye akutthjelparar.

### *Endringar i det medisinske faget*

Utvikling i det medisinske faget vil gje nye utfordringar framover. Det er nye retningslinjer for behandling av dei mest alvorlege hjarteanfarkta (ST-elevasjons infarkt). Dei nye retningslinene frå ESC (European Society og Cardiology) 2017 stiller krav om utført blokking (PCI) innan 120 minutt etter at EKG er teke og viser slik infarkt. Med dagens responstid frå luftambulanse, overføring til Haukeland Universitetssjukehus og tidsbruk innan dette sjukehuset, vil innbyggjarane i indre Sogn ikkje rekke

fram innan tidskravet. ESC har derfor i sine retningsliner at pasientane då skal få blodproppopløysande medisin (trombolyse) innan 10 minutt etter at diagnosen er stilt.

Dette betyr at ambulansane må utstyrast med moglegheit for trombolyse. Det betyr også at ein ikkje kan ta ned tal ambulansar som er i området om ein skal ha eit likeverdig akuttilbod i regionen. God handtering av hjartefarkt er god samfunnsøkonomi.

#### *Bruk av frivillige*

Akutthjelparordninga vil vere eit viktig supplement i den akuttmedisinske beredskapen, men må ikkje erstatta og/eller føre til lengre responstid for ambulanse. Sogn regionråd vil uttrykke bekymring for at kostnader vert flytta over på primærhelsetenesta/kommunane utan at det følgjer midlar med.

Akutthjelparordninga bør utviklast og her kan helseføretaket ha ei viktig rolle for å gje støtte til opplæring. Dette kan gjerne skje via ambulansepersonellet.

Frivillige i ambulansekøring etter modell frå Helse Bergen bør vurderast. Dei frivillige kan ta unna transportoppdrag når det ikkje er behov for høg formell kompetanse.

#### *Kvalitet og teknologi*

Det er viktig at Helse Førde i samband med prehospital plan er ligg i forkant med tanke på å ta i bruk ny teknologi i ambulansane. CT i ambulanse /helikopter er teknologi som bør bli tekne i bruk. Teknologien krev sjølvsagt ein infrastruktur, men den ville betre diagnostiseringa - spesielt i tilfelle med hjerreslag, og der ein i dag må vente med å starte behandling før pasienten er frakta til sjukehus. Denne teknologien vil vere viktig og avbøtande når responstida er lengre enn dei nasjonale føringane.

Vi vil også trekke fram den omtalte «legerobot» som blir testa på Røros. Om det er lang avstand til legevaka vil roboten bidra til å heva tryggleiken til innsatspersonellet.

#### *Økonomi*

Dersom Helse Førde skal nå tilrådinga om å ha responstid på 25 minuttar for 90% av oppdraga ser vi at kostnadane vil auke med kr 66 mill. Dette viser at tenesta ikkje er rett finansiert.

Helse Førde bør gå for eit scenario på dagens modell med avvikling av heimevakt. Alternativet vil gje ein auke på kr 9 mill. frå i dag. Dette er likevel ikkje nok til å møte utviklinga. Ein bør vurdere strukturelle endringar for å gje den prehospitalen den finansiering som vil bli naudsynt.

#### *Responstid*

Sogn og Fjordane ligg i dag betydeleg over dei nasjonale føringane for responstid (NOU 15/17). Det er avgjerande viktig for tryggleiken til innbyggjarane at det i samband med prehospital plan vert sett krav om kortare responstid. Helse Førde bør søke å redusere reine transportoppdrag fordi dette svekker den reelle beredskapen. Dette kan t.d. skje ved at det vert etablert «bårebilar» gjennom såkalte kvite ambulansar eller at det vert inngått avtalar med private aktørar. Det er også eit viktig bidrag for responstid om Helse Førde permanent ikkje stenger ned skadepoliklinikken ved Lærdal sjukehus under ferieavvikling. Dette fører til at skadde pasientar må fraktast over større avstandar med ambulanse og bidreg til dårligare beredskap/responstid. Det er også viktig at Helse Førde planlegg/dimensjonerer med utgangspunkt i at Sogn er eit område med stor tilstrøyming av turistar i sesongen. For fleire kommunar vert befolkningsgrunnlaget mangedobla i hektiske feriemånader. I tillegg er det utfordringar knytt til tunnelar og ferjer som også tilseier fleire ambulansar fleire stader.

Med helsing

Jan Geir Solheim  
leiar i Sogn regionråd

Brevet er elektronisk godkjent og er utan underskrift



Til kommunar og andre interessentar

## Rutetilbodet 2019

### Invitasjon til å komme med endringar i rutetilbodet i Sogn og Fjordane

#### Planlegging av rutetilbodet frå 23. juni 2019

Sogn og Fjordane fylkeskommune inviterer med dette brukarar av kollektivtilbodet til å kome med innspel til forbetringer av tilbodet.

Rutetilbodet endrar seg heile tida. Det kan vera justering opp mot ferjetider og korresponderande ruter eller justeringar i forhold til økonomiske rammer og satsingar. Formålet med å invitere til innspel er at vi ynskjer å ha eit best mogleg bilet av kva som er etterspurt og kva det er behov for.

#### Ruteplanprosessen

Første søndag etter skuleslutt kvar sommar føretok vi hovudruteskifte. Alle justeringar som vart lagt inn i årrets budsjett, både rutekutt nye ruter og andre justeringar vert då sett i drift.

Prosessen med å fastsetje neste års rutetilbod startar på våren. Først bed vi brukarane av rutetilbodet om å melde inn behov for justeringar. Sidan bed vi kommunane vurdere innspel frå sin kommune og gje ein uttale av kva kommunen meiner bør prioriterast. Alle innspel vert vurdert og lagt fram for politisk vurdering i fylkeskommunen. Rutetilbodet vert behandla parallelt med budsjettprosessen som føregår om hausten.

I fjor kom det inn 120 innspel som vart lagt fram for politisk prioritering.

#### Kva kan du gje innspel på?

Du er fri til å foreslå det du meiner det er behov for. Det er likevel verd å merke seg at dei fleste rutene vi har her i fylket har bindingar. Ruter med skuleskyssfunksjon er i praksis låst, sidan skuleskyssen er ei lovpålagd teneste. Av andre bindingar kan nemnast korrespondanse med andre ruter og ferjetider.

Det å justere ei rute til beste for eit formål går ofte utover eit anna formål. Til sjuande og sist vert det ei politisk prioritering kva formål som skal prioriterast.

#### Kva vurderingar gjer fylkeskommunen

Når fylkeskommunen får inn eit innspel vurderer vi fleire forhold:

- Kostnad
- Statistikk
- Konsekvens - Kva brukargrupper får eit betre tilbod og eventuelt kva grupper får eit dårlegare tilbod
- Tilråding frå kommunen
- Korleis innspelet høver saman med eit heilskapleg rutesystem og opp mot vedtekne planar og strategiar for rutesystemet.

Det vert og vurdert korvidt innspelet skal handsamast som ein del av rutekjøpsprosessen eller om det av tidsomsyn må behandlast som eiga sak.

**Kven avgjer**

Innspel innkomne til rett tid vert lagt fram for politisk prioritering gjennom rutekjøpssaka.

**Fristar**

Brukantar av rutetilbodet må sende innspel til sin bustadkommune innan 1. juni 2018

Kommunane må sende sine innspel og tilrådingar til fylkeskommunen innan 30. juni 2018.

**Innspela skal sendast til [post@sfj.no](mailto:post@sfj.no) og merkast med sak nr: 18/119**

Med helsing

Dina Lefdal  
Fylkesdirektør

Øystein Hunvik  
Ass. fylkesdirektør

*Brevet er elektronisk godkjent og er utan underskrift*

Mottakar (ar)

Tide Buss AS Postboks 6300 5893 BERGEN  
Firda Billag  
Sogndal Kommune Postboks 153 6856 SOGNDAL  
Solund kommune 6924 HARDBAKKE  
Stryn kommune Tonningsgata 4 6783 STRYN  
Vik kommune Postboks 134 6891 VIK I SOGN  
Vågsøy kommune Postboks 294 6701 MÅLØY  
Årdal kommune Statsråd Evensensveg 4 6885 ÅRDALSTANGEN  
Nordfjordrådet Rådhusv. 11 6770 NORDFJORDEID  
Regionrådet i HAFS c/o Lutelandet Utvikling 6963 DALE I SUNNFJORD  
Samarbeidsforum i Sunnfjord - SIS 6802 FØRDE  
Sogn Regionråd Postboks 153 6851 SOGNDAL  
Nettbuss ekspress  
Norled AS  
Fjord1  
Visit Sognefjord  
Reisemål Stryn og Nordfjord / Visit Nordfjord  
Visit Fjordkysten  
Sunnfjord Utvikling  
Pasientreiser Helse Førde  
Sogn og Fjordane taxiforeining  
Taxi Transport Service  
Nettbuss Sogn Billag  
Askvoll kommune Postboks 174 6988 ASKVOLL  
Aurland kommune Vangen 1 5745 AURLAND  
Balestrand kommune Kong Beles veg 20 Rådhuset 6899 BALESTRAND  
Bremanger kommune Postboks 104 6723 SVELGEN  
Eid kommune Rådhusvegen 11 6770 NORDFJORDEID  
Fjaler kommune Postboks 54 6961 DALE I SUNNFJORD  
Flora kommune Postboks 264 6900 FLORØ  
Førde kommune Postboks 338 6802 FØRDE  
Gaula kommune Vadheimsvegen 15 6973 SANDE I SUNNFJORD  
Gloppen kommune Grandavegen 9 6823 SANDANE  
Gulen kommune Eivindvikvegen 1119 5966 EIVINDVIK  
Hornindal kommune Kommunehuset Smia 6763 HORNINDAL  
Hyllestad kommune Kommunehuset 6957 HYLLESTAD  
Høyanger kommune August Gunnarskogsgt. 1 6993 HØYANGER  
Jølster kommune 6843 SKEI I JØLSTER  
Leikanger kommune Skrivarvegen 7 6863 LEIKANGER  
Luster kommune Rådhuset 6868 GAUPNE  
Lærdal kommune Postboks 83 6886 LÆRDAL  
Naustdal kommune Postboks 43 6806 NAUSTDAL  
Selje kommune 6740 SELJE  
Tide AS Postboks 6300 5893 BERGEN  
Eid Taxi Sentral AS Postboks 118 6772 NORDFJORDEID  
Årdal vidaregåande skule, ARDV  
Dale vidaregåande skule, DALV  
Eid vidaregåande skule, EIDV  
Hallgeir Hansen, FIRV  
Flora vidaregåande skule, FLOV  
Hafstad vidaregåande skule, HAFV  
Stryn vidaregåande skule, STRV  
Høyanger vidaregåande skule, HOYV  
Måløy vidaregåande skule, MALV  
Mo og Øyrane vidaregåande skule, MOY  
Sogndal vidaregåande skule, SOGV